



JP ELEKTROPRIVREDA BiH d.d. - Sarajevo,
Zavisno društvo Rudnik mrkog uglja "KAKANJ" d.o.o.-Kakanj



Kakanj, 20.10. 2015. godine.
Broj: 01/D-01-43- 12 228 /15

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 554-10/15 od 14.10.2015. godine po konkurentskom zahtjevu za dostavu ponuda (KZ: 48/15 – Nabavka filtera), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), v.d. Direktora Društva mr.sci. Kasim Alajbegović, dipl.ing.mašl., donio je

ODLUKU o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka filtera, po provedenom konkurentskom zahtjevu za dostavu ponuda izabran je sljedeći ponuđač:

**„JASMIN-M“ d.o.o. Žepče
sa ukupnom cijenom od 28.345,63 KM bez PDV-a sa uključenim rabatnom od 4%**

Član 2.

Prijedlog ugovora o nabavci dostavit će se na potpis izabranom ponuđaču „JASMIN-M“ d.o.o. Žepče po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.-Kakanj.

Član 4.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-9482/15 od 12.08.2015.godine. Procijenjena vrijednost javne nabavke bez PDV-a je 40.000,00 KM. Obavijest o nabavci broj: 967-7-1-673-3-105/15 poslana je na objavu dana 28.09.2015.godine, a isti dan objavljena je na Portalu javnih nabavki.

Zahtjev za dostavu ponuda je proslijeđen sljedećim ponuđačima (istovremeno sa slanjem obavijesti na Portal javnih nabavki):

1. „COMACO TRADING“ d.o.o. Sarajevo
2. „JASMIN-M“ d.o.o. Žepče
3. „ZAIMOVIĆ“ d.o.o. Kakanj

Osim gore navedenih, tendersku dokumentaciju izuzeli su i sljedeći ponuđači:

1. „KEMING“ d.o.o. Banovići
2. „LAGER“ d.o.o. Posušje
3. „BIOL“ d.o.o. Konjic
4. „DOMES“, Duga Resa, Hrvatska
5. „REMEX“ d.o.o. Tuzla
6. „TRIGMA“ d.o.o. Banja Luka

Komisija za javnu nabavku je dana 14.10.2015. godine sačinila Zapisnik o ocjeni ponuda broj: 552-10/15 i Preporuku o izboru najpovoljnijeg ponuđača broj: 554-10/15 od 14.10.2015.godine, u postupku javne nabavke roba – Nabavka filtera.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri (3).
- da su blagovremeno zaprimljene tri (3) ponuda.
- da nema neblagovremeno zaprimljenih ponuda.
- da je ponuda ponuđača „JASMIN-M“ d.o.o. Žepče prihvatljiva.
- da ponuda ponuđača „REMEX“ d.o.o. Tuzla i „COMACO TRADING“ d.o.o. Sarajevo nisu prihvatljive.

Komisija je na zatvorenom sastanku razmatrala pristigle ponude po upućenom konkurentskom zahtjevu za dostavu ponuda za izbor najpovoljnijeg ponuđača i objavljenom Obavještenju o javnoj nabavci roba na Portalu javnih nabavki BiH – Nabavka filtera, te je utvrdila da ponude ponuđača „REMEX“ d.o.o. Tuzla i „COMACO TRADING“ d.o.o. Sarajevo nisu u skladu sa Zakonom o javnim nabavkama odnosno uslovima iz tenderske dokumentacije, dok ponuda ponuđača „JASMIN-M“ d.o.o. Žepče zadovoljava tražene uslove.

Naime, prilikom evaluacije ponude ponuđača „REMEX“ d.o.o. Tuzla Komisija je konstatovala da je u obrascu za cijenu ponude na poziciji broj 29. korekturnim lakom ispravljana jedinična cijena bez da je ista ovjerena pečatom ponuđača i potpisom ovlaštene osobe.

Na osnovu iznesenog ponuda ponuđača „REMEX“ d.o.o. Tuzla ocjenjena je kao neprihvatljiva.

Ugovorni organ u tački 2.4. tenderske dokumentacije definisao je mjesto isporuke filtera. Ponuđač „COMACO TRADING“ d.o.o. Sarajevo nije dostavio traženu Izjavu o mjestu isporuke.

Tačkom 5.2. tenderske dokumentacije opisano je do kojeg roka se ponuda dostavlja, te kako ponuda treba da bude uvezana, gdje je traženo da „Svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju dobavljača“. Sljedeće stranice tehničkog dijela ponude ponuđača nisu parafirane odnosno potpisane: 1., 8., 9., 15., 36., 37., 40., 41., 68., i 78.

Na osnovu iznesenog ponuda ponuđača „COMACO TRADING“ d.o.o. Sarajevo ocjenjena je kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, v.d. direktora Društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Cijena
1.	„JASMIN-M“ d.o.o. Žepče	29.526,70 KM – rabat 4%, tako da je ukupna cijena sa uključenim rabatom 28.345,63 KM bez PDV-a

Izabrani ponuđač je izabran primjenjujući kriterij najniže cijene, koja je ponuđena u iznosu od 29.526,70 KM – rabat 4%, tako da je ukupna cijena sa uključenim rabatom 28.345,63 KM bez PDV-a

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.

M. P.

v.d. Direktora Društva



mr.sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a